

Broj: 03-017-2086/2018
Dana; 12.04.2018.godine

03.05.2018.
0112-109-4-10-33/18

SKUPŠTINA UNSKO-SANSKOG KANTONA

PREDMET: Izvještaj o radu Zdravstvene ustanove Dom zdravlja Sanski Most za 2017.godinu,
dostavlja se

Na osnovu člana 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Izvještaj o radu Zdravstvene ustanove Dom zdravlja Sanski Most za 2017.godinu uz sljedeće:

Obrazloženje


Vlada Unsko-sanskog kantona je na sjednici održanoj dana 12.04.2018.godine razmatrala i Zaključkom broj: 03-017-2086/2018, prihvatila Izvještaj o radu Zdravstvene ustanove Dom zdravlja Sanski Most za 2017.godinu, predlagača Ministarstva zdravstva, rada i socijalne politike, koji vam se upućuje na razmatranje

S poštovanjem,

Prilog: Izvještaj o radu Zdravstvene ustanove Dom zdravlja Sanski Most za 2017.godinu (6x)

Dostavljeno:
1.Naslovu
2.a/a (2x)

PREMIJER KANTONA
dr.sci. Husein Rošić



Na osnovu čl. 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), na prijedlog Ministarstva zdravstva, rada i socijalne politike, Vlada Unsko-sanskog kantona, na sjednici održanoj dana 12.04.2018. godine, d o n o s i :

ZAKLJUČAK


I.

Prihvata se Izvještaj o radu Zdravstvene ustanove Dom zdravlja Sanski Most za 2017.godinu i upućuje Skupštini Unsko-sanskog kantona, na razmatranje.

II

Ovaj Zaključak stupa na snagu danom donošenja.

Broj: 03-017-2086/2018
Bihać; 12.04.2018. godine



Na osnovu člana 95. Poslovnika Skupštine Unsko-sanskog kantona („Službeni glasnik Unsko-sanskog kantona“ br.9/17), člana 27. stav 1. alineja 13. Zakona o ustanovama („Službeni list Republike BiH“, broj: 6/92, 8/93 i 13/94), na prijedlog Vlade Unsko-sanskog kantona, Skupština Unsko-sanskog kantona, na sjednici _____ održanoj dana _____, donosi:

ZAKLJUČAK

I

Usvaja se Izvještaj o radu Zdravstvene ustanove Dom zdravlja Sanski Most za 2017.godinu

II

Ovaj Zaključak stupa na snagu danom donošenja i objavit će se u „Službenom glasniku Unsko-sanskog kantona“.

Broj: _____
Bihać, _____

Predsjedavajući Skupštine
Unsko-sanskog kantona
Nijaz Hušić, profesor

U skladu sa članom 35. Statuta Zdravstvene ustanove Dom zdravlja Sanski Most
Upravni odbor ZU Dom zdravlja Sanski Most na prvoj konstituirajućoj sjednici održanoj
16.03.2018.god. donio je slijedeću:

ODLUKU


I

Usvaja se Izvještaj o radu ZU Dom zdravlja Sanski Most za period
01.01.-31.12.2017.god.

II

Ova Odluka stupa na snagu danom donošenja.

Broj:01-1- 330 /18
Datum: 16.03.2018.god.



PREDSJEDNIK PRIVREMENOG
UPRAVNOG ODBORA:

Amira Pađen
Pađen Amira

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
ZDRAVSTVENA USTANOVA DOM ZDRAVLJA
SANSKI MOST
Broj:01-1-375/18
Datum:26.03.2018.god.

09

BB1

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
BIHAĆ

PRIMLJENO 27-03-2018			
Ustanova	Broj	Radni broj	Broj prijave
09-37-3823-			1/18

MINISTARSTVO ZDRAVSTVA, RADA
I SOCIJALNE POLITIKE
BIHAĆ

PREDMET:Izveštaj o radu i Finansijski izvještaj ZU Dom zdravlja Sanski Most za 2017.godinu, dostavlja se.-

Poštovani,


U prilogu akta dostavljamo Vam Izveštaj o radu i Finansijski izvjestaj ZU Dom zdravlja Sanski Most za 2017.godinu sa priložima radi upućivanja u dalju proceduru Vladi i Skupštini Unsko-sanskog kantona.

Izveštaj o radu sa priložima:

- Izveštaj o radu direktora
- Izveštaj Upravnog odbora
- Izveštaj o finansijskom poslovanju sa mišljenjem ovlaštenog revozora

Finansijski izvještaj ZU Dom zdravlja Sanski Most za 2017.godinu sa priložima.

S poštovanjem!



za DIREKTOR: a

Hajrudin Bošković
Dr. med. Hajrudin Bošković
Spec. medicine rada

**ZDRAVSTVENA USTANOVA
DOM ZDRAVLJA
SANSKI MOST**

IZVJEŠTAJ O RADU

za 2017.godinu

Sanski Most, januar 2018.god.

SADRŽAJ:

1. Uvod
2. Ugovaranje zdravstvene djelatnosti
3. Organizacijsko ustrojstvo Zdravstvene ustanove Dom zdravlja Sanski Most
 - 3.1. Struktura zaposlenih u Zdravstvenoj ustanovi Dom zdravlja Sanski Most u 2017.god. (zdravstveni i nezdravstveni radnici)
4. Rezultati rada i poslovanja
 - 4.1. Izvršenje planiranih usluga po Ugovoru sa ZZO USK-a u periodu od 01.01.-31.12.2017.god.
5. Pružanje primarne zdravstvene zaštite stanovništvu Općine Sanski Most u 2017.god.
 - 5.1. Broj pacijenata koji je zatražio PZZ u Domu zdravlja Sanski Most u 2017.god. (tabelarni prikaz)
 - 5.2. Uvid u zdravstveno stanje stanovništva na području Općine Sanski Most u 2017.god.

Naziv: Zdravstvena ustanova Dom zdravlja Sanski Most
Sjedište: Sanski Most
Adresa: Prijedorska 111
Djelatnost: Zdravstvena ustanova Dom zdravlja Sanski Most je organizirana tako da obezbjeđuje ostvarivanje jedinstvenog sistema primarne i djelimično konsultativno-specijalističko zdravstvene zaštite sveukupnog (zdravstveno osiguranog i zdravstveno neosiguranog) stanovništva općine Sanski Most.

Pravni status: Zdravstvena ustanova u državnoj svojini, Osnivač Vlada Unsko-sanskog kantona 1997.godine

Identifikacijski broj: 4263145930001

Telefon: 00387(3)/686-440 fax: 686-242

Web site:

E-mail: domzdravlja.s.most.uprava@hotmail.com
dom.zdravlja.sana@bih.net.ba

ODGOVORNE OSOBE:

1. Direktor: Dr.med. Hajrudin Bošković, spec. medicine rada od 18.04.2015.god.
2. Sekretar ustanove: Bošković Jasna, dipl. pravnik
3. Glavna sesetra: Pašalić Ifeta, dipl. medicinska sestra
4. Šef računovodstva: Kapić Izet, ekonomista

UPRAVNI ODBOR:

Upravni odbor nismo imali u 2017.god. od 01.01.2017 – 08.06.2017.god.

Rješenjem Vlade Unsko-sanskog kantona broj:03-017-1063/2017 od 08.06.2017.god. do 08.09.2017.god.imenovan je privremeni Upravni odbor :

Predsjednik: Suad Bajraktarević

Član : Almira Pađan

Član: Aiša Rešić

Član: Jasmin Mujadžić

Član: Amel Dervišević

UPRAVNI ODBOR:

Rješenjem Vlade Unsko-sanskog kantona imenovan je privremeni Upravni odbor broj: 03-017-1366/2017 od 13.09.2017.god. u trajanju od tri mjeseca

Predsjednik: Amra Huzejrović

Član : Almira Pađan

Član: Faik Rešić

Član: Mersiha Batić

Član: Amel Dervišević

1. UVOD

ZU Dom zdravlja Sanski Most je Zdravstvena ustanova koja pruža usluge primarne zdravstvene zaštite i dio sekundarne zdravstven zaštite za stanovništvo Općine Sanski Most a prema načelima sveobuhvatnosti, kontinuiranosti, dostupnosti i cjelovitog prisustva u skladu sa kapacitetima.

Dom zdravlja Sanski Most organiziran je i posluje pod nazivom Zdravstvena ustanova Dom zdravlja Sanski Most na osnovu Odluke o preuzimanju i organizovanju subjekata zdravstvene zaštite na području Unsko-sanskog kantona.

Navedenom Odlukom Skupština USK-a preuzima prava i obaveze osnivača u skladu sa Zakonom o zdravstvenoj zaštiti („Sl. novine FBiH“) br.29/97 i Zakonom o ustanovama („Sl. novine RBiH“) br.6/92, 8/93, 13/95.

Kantonalni zavod zdravstvenog osiguranja i Zdravstvena ustanova Dom zdravlja Sanski Most potpisali su Ugovor o pružanju zdravstvene zaštite stanovništvu Općine Sanski Most za period od 01.01. – 31.12.2017.god. za osigurana lica ove općine dana 08.05.2017.god. broj.01-1-643/17 god.

Dom zdravlja je obavezan da saglasno programom pruža zdravstvene usluge:

- Opće medicine
 - Porodične medicine
 - Zdravstvene zaštite djece
 - Polivalentne patronaže
 - Higijenosko-epidemiološke zaštite
 - Hitne medicinske pomoći
 - Zaštite reproduktivnog zdravlja žena
 - Zdravstvenu zaštitu kod nespecifičnih i specifičnih plućnih oboljenja
 - Fizikalnu i mentalnu rehabilitaciju u zajednici
 - Zubozdravstvenu zaštitu
 - Laboratorijsku dijagnostiku primarnog nivoa i dio sekundarnog nivoa
 - Liječenje i rehabilitaciju u kući
- Opće medicine usluge za osigurana lica koja nisu obuhvaćena porodičnom medicinom zdravstvena zaštita se organizira i provodi u okviru djelatnosti koje su utvrđene zakonskim i podzakonskim aktima, a definira se programom.

Dom zdravlja Sanski Most obavljao je i usluge hematološke i biohemijske laboratorijsko van bolničke dijagnostike primarnog i dio sekundarnog nivoa.

Obavlja usluge prevoza kolima hitne medicinske pomoći u slučajevima hitnog prevoza pacijenata na liječenje van kantona na način i prema kriterijima koji su obuhvaćeni programom.

U 2017.god. djelatnost Zdravstvene ustanove Dom zdravlja Sanski Most organizovana je kao cjelina sa područnim ambulantima u Mjesnim zajednicama za stanovništvo cijele općine kako bi se pružila što bolja zdravstvena zaštita.

2. UGOVARANJE ZDRAVSTVENE DJELATNOSTI

Za obavljanje zdravstvene djelatnosti ZU Dom zdravlja Sanski Most je sa ZZO-a USK-a tokom 2017.god. ugovorio slijedeće djelatnosti:

- Porodična/obiteljska medicina: 4,62 timova
- Opća zdravstvena zaštita: 2,85 timova
- Polivalentna patronaža: 3,14 timova
- Zdravstvena zaštita predškolske djece 0-6 god.: 0,97 timova
- Zdravstvena zaštita školske djece 7-19 god.: 0,80 tima
- Liječenje i rehabilitacija u kući: 2,63 timova
- Zdravstvena zaštita žena (žene 15 i više godina): 0,54 tima
- Zdravstvena zaštita žena (žene 15 i više godina porodične medicine): 0,55 tima
- Pneumofiziološka zdravstvena zaštita: 0,50 tima
- Higijensko-epidemiološka služba: 0,49 tima
- Hitna medicinska pomoć: 4,00 timova
- Laboratorijska djelatnost: 0,68 tima
- Centar za mentalnu rehabilitaciju: 0,38 tima
- Centar za fizikalnu rehabilitaciju: 0,38 tima
- Radiološka dijagnostika prim. nivoa: 1,23 timova
- Zdravstvena zaštita zuba i usta predškolske djece: 0,56 tima
- Zdravstvena zaštita zuba i usta školske djece: 1,56 timova
- Zdravstvena zaštita zuba i usta odraslih: 0,77 tima

Primarna zdravstvena zaštita obuhvata:

1. Rano otkrivanje, sprečavanje i suzbijanje uzroka oboljevanja i povređivanja.
3. Sudjelovanje u podizanju i održavanju psihofizike i zdravstvene sposobnosti radnika za rad.
4. Briga za očuvanje zdravlja i liječenja svih članova porodice
5. Zdravstvenu zaštitu nespecifičnih i specifičnih ključnih oboljenja
6. Praćenje higijensko epidemiološke situacije u životnoj i radnoj okolini uz poduzimanje potrebnih mjera

Primarna zdravstvena zaštita naročito provodi:

1. Mjere zdravstvene zaštite djece predškolskog uzrasta, briga o njihovom zdravstvenom stanju i unapređenju zdravlja i učestvuje u podizanju psihofizičke sposobnosti
2. Briga o zdravstvenoj zaštiti žena za vrijeme trudnoće, porođaja i nakon porođaja, te o drugim zdravstvenim potrebama žena
3. Mjere za promociju prirodne ishrane dojenčeta – dojenja
4. Hitnu medicinsku pomoć
5. Liječenje u ordinaciji, odnosno u stanu osiguranika
6. Kurativne i rehabilitacijske mjere
7. Mjere prevencije, liječenje i saniranje usta i zubi
8. Snadbijevanje lijekovima i drugim sredstvima za liječenje
9. Upućivanje pacijenata za specijalističko-konsultativne preglede, na bolničko i dugo liječenje, te provođenje posthospitalnog postupka
10. Koordiniranje i provođenje nužnih dijagnostičkih i terapijskih postupaka

Djelatnost Doma zdravlja organizuje se i provodi u centralnim zgradama Doma zdravlja sještenih u ulici Prijedorska br. 111 te u područnim ambulantama po mjesnim zajednicama: Trnova, Vrhpolje, Stari Majadan, Lušci Palanka, Fajtovci i Kamengrad a kroz službe:

1. Opću – porodičnu medicinu sa područnim ambulantama
2. Služba za zdravstvenu zaštitu žena
3. Služba za zdravstvenu zaštitu djece i omladine
4. Služba medicine rada
5. Služba za pneumoftiziološku zaštitu
6. Služba za zubozdravstvenu zaštitu
7. Služba za higijensko – epidemiološku zaštitu
8. Služba za hitnu medicinsku pomoć
9. Služba za dijagnostičku djelatnost (laboratorijska, radiološka)
10. Centar za fizikalnu rehabilitaciju
11. Centar za mentalnu rehabilitaciju
12. Služba zajedničkih poslova – (pravna, ekonomska i tehnička)

3. ORGANIZACIJSKO USTROJSTVO ZDRAVSTVENE USTANOVE DOM ZDRAVLJA SANSKI MOST

Organizacija i sistematizacija poslova u Domu zdravlja Sanski Most uređena je Pravilnikom o unutrašnjoj organizaciji i sistematizaciji Zdravstvene ustanove Doma zdravlja.

Domom zdravlja upravlja Upravni odbor čije članove imenuje Vlada Unsko-sanskog kantona, a rukovodi direktor koga imenuje Upravni odbor uz saglasnost Vlade Unsko-sanskog kantona, a na prijedlog Ministarstva zdravstva Unsko-sanskog kantona.

Rad Doma zdravlja Sanski Most odvija se kroz rad dva sektora:

- Sektor medicinskih poslova
- Sektor nemedicinskih poslova

Struktura zaposlenih u Zdravstvenoj ustanovi Dom zdravlja Sanski Most u 2017.god. (zdravstveni i nezdravstveni radnici)

Tabela br. 1. Kadar Doma zdravlja

Profil kadra	K a d a r	
	2017	
Doktori medicine	8	
Doktori medicine specijalisti	13	
Doktori stomatologije	4	
Doktori stomatologije specijalisti		
Zdravstveni tehničari VSS	5	
Zdravstveni tehničari VŠS	6	
Zdravstveni tehničari SSS	38	
Zdravstveni saradnik VSS	2	
Ukupno zdravstvenih radnika	76	
Uprava i računovodstvo	7	
Tehničke službe (vozači, majstori na održavanju, vešarice, portiri, spremačice)	28	
Ukupno nemedicinskih radnika	35	
U K U P N O :	111	

Tabela br. 2. Struktura zaposlenih u Domu zdravlja Sanski Most i stručna sprema za period 31.12.2016. i 31.12.2017.god.

Profil kadra	K a d a r		
	2016	2017	Index 2016/2015
Doktori medicine	7	8	114
Doktori medicine specijalisti	14	13	92
Doktori stomatologije	4	4	100
Doktori stomatologije specijalisti	0	0	0
Zdravstveni tehničari VSS	4	5	125
Zdravstveni tehničari VŠS	7	6	85
Zdravstveni tehničari SSS	41	38	92
Zdravstveni saradnik VSS	2	2	100
Ukupno zdravstvenih radnika	79	76	96
Uprava i računovodstvo	7	7	100
Tehničke službe (vozači, majstori na održavanju, portiri, spremačice)	27	28	103
Ukupno nemedicinskih radnika	34	35	102
U K U P N O :	113	111	98

Iz tabelarnog prikaza za 2016 i 2017.god. došlo je do smanjenja broja radnika u 2017.god. od dva radnika.

Tabela br. 3. Struktura zaposlenih u Domu zdravlja Sanski Most i stručna sprema za period 2015, 2016. i 2017.god.

Profil kadra	K a d a r		
	2015	2016	2017
Doktori medicine	7	7	8
Doktori medicine specijalisti	14	14	13
Doktori stomatologije	2	4	4
Doktori stomatologije specijalisti	1		0
Zdravstveni tehničari VSS	3	4	5
Zdravstveni tehničari VŠS	7	7	6
Zdravstveni tehničari SSS	42	41	38
Zdravstveni saradnik VSS	2	2	2
Ukupno zdravstvenih radnika	78	79	76
Uprava i računovodstvo	7	7	7
Tehničke službe (vozači, majstori na održavanju, vešarice, portiri, spremačice)	30	27	28
Ukupno nemedicinskih radnika	37	34	35
U K U P N O :	115	113	111

Tabelarni prikaz ukazuje da svake godine u ZU Dom zdravlja Sanski Most došlo do smanjenja zaposlenih radnika.

U 2017.god. je na ukupnom nivo smanjen broj zaposlenih za dva radnika u odnosu na 2016.god.

Sektor medicinskih i nemedicinskih poslova Dom zdravlja Sanski Most u cjelosti su ispunili planirane zadatke na dan 31.12.2017.god.

Ukupni broj zaposlenih je bio 111 radnika od toga 76 radnika medicinske i 35 nemedicinske struke.

106 radnika je na neodređeno radno vrijeme a 5 na određeno radno vrijeme.

2 radnika je radilo pola radnog vremena.

U 2017.god. došlo je do smanjenja zdravstvenih radnika za 3 radnika a povećanja nezdravstvenih radnika za 1 radnik.

Od 01.01. – 31.12.2017.god. odsutnost sa posla po raznim osnovama je 9 radnika – je mjesečni prosjek.

Struktura odsutnih sa posla:

- porodijsko odsustvo – prosječno odsutno tri radnika
- bolovanje do 42 dana - prosječno odsutno tri radnika
- bolovanje preko 42 dana - prosječno odsutno dva radnika
- bolovanje 100% - prosječno odsutan jedan radnik

Smanjen mjesečni prosjek odsutnosti s posla po raznim osnovama u 2017.god. je za tri radnika u odnosu na 2016.god.

**Zdravstvena ustanova Dom zdravlja Sanski Most za period od 01.01-31.12.2017.god.
(značajne aktivnosti u tom periodu)**

Zdravstvena ustanova Dom zdravlja Sanski Most za period od 01.01. – 31.12.2017.god. u kategoriji ekonomskih problema u 2017.god. najveći uticaj na ukupno poslovanje Doma zdravlja su obaveze prema zaposlenim, obaveze prema dobavljačima.

Tokom cijele godine vođena je komunikacija sa Osnovnom organizacijom nezavisnog strukovnog sindikata radnika u zdravstvu (ONSSRUZ) kako bi se održavala visina satnice u iznosu 2,00 KM.

U 2017.god. došlo je do izmjene visine satnice koja je iznosila 2,00 KM do mjeseca septembra da bi u septembru mjesecu isplata ličnog dohotka bila u visini satnice 2,30 KM. U mjesecu oktobru, novembru i decembru 2017.god. visina satnice bila je nepromjenjena i iznosila je 2,15 KM.

Isplata toplog obroka cijele godine u visini od 8,00 KM i na vrijeme je isplaćivana kao i lični dohodci.

U skadu sa zakonskim obavezama u radni odnos primljena su dva doktora medicine, 1 laboratorijski tehničar i 3 nemedicinska radnika a pripravnički staž obavljali su - volonteri: , jedan Bachelor zdravlja i ekologije, 5 medicinskih sestara-tehničara, 1 laboratorijski tehničar i 1 fizioterapeutski tehničar.

4.Rezultati rada i poslovanja

Rad službi zdravstvenog sektora:

- Službe opće medicine
- Službe porodične medicine
- Polivalentne patronaže
- Kućno liječenje
- Zdravstvene zaštite radnika
- Laboratorijsko-medicinske dijagnostike
- Zubozdravstvene zaštite predškolske, školske djece i odraslih
- Zdravstvene zaštite predškolske djece
- Zdravstvene zaštite školske djece
- Zdravstvene zaštite žena
- Pneumofiziološke zdravstvene zaštite
- Higijensko-epidemiološke zaštite
- Centra za mentalno zdravlje
- Centra za fizikalnu rehabilitaciju
- Kao dio sekundarnog nivoa zaštite za hematološki i biohemijski laboratorij

Dom zdravlja Sanski Most za 2017.god. potpisao je Ugovor sa Zavodom zdravstvenog osiguranja USK-a o pružanju usluga primarne zdravstvene zaštite i dijela sekundarne zdravstvene zaštite za 24621 osigurana lica Općine Sanski Most (broj osiguranih lica sa stanjem evidencije 30.09.2016.god.)

Zdravstvena ustanova Dom zdravlja Sanski Most u posmatranom periodu je sve aktivnosti usmjerila na realizaciju poslova i zakonski propisane nadležnosti, da ostvare ugovoreni nivo i obim usluga i opravda osnovne principe primarne zdravstvene zaštite.

Kako je osnovno opredjeljenje buduće zdravstvene politike i reformskih promjena novi koncept primarne zdravstvene zaštite putem porodičnog ljekara, timovi porodične medicine u našoj Ustanovi su definisani u obliku preventivnih, promotivnih, dijagnostičko terapijskih i rehabilitacijskih aktivnosti zdravstven zaštite, da ostvare ugovoreni nivo i obim usluga a da u daljem radu broj timova porodične medicine povećaju.

Prijemom novih ljekara opće medicine nastojalo se opravdati osnovne principe primarne zdravstvene zaštite gdje spada:

- Ispravnosti i distribucija sredstava za zdravlje i zdravstvenu zaštitu,
- Pokrivenost sa osnovnim preventivnim i kurativnim uslugama,
- Multisektorski pristup, koji uvažava značaj edukacije, ishrane, ulogu statusa žene i globalnog socio-ekonomskog razvoja,
- Promocija zdravlja, uključivanje zajednice u zdravstvenu aktivnost

U 2017.godini došlo je do zapošljavanja i to: dva doktora medicine i jedan medicinski laborant i tri nemedicinska radnika zbog odlaska u penziju i odlaska u inostranstvo.

Obim i kvaliteta rada zdravstvenog sektora u 2017.god.

OPĆA MEDICINA – rad službe opće medicine

Rad službe opće medicine organizovan je u ambulantomama u zgradi Doma zdravlja Sanski Most, te u šest terenskih ambulanti: Stari Majdan, Trnova, Vrhpolje, L.Palanka, Fajtovci i Kamengrad.

Rad ambulanti opće medicine je svakim radnim danom u Domu zdravlja u prvoj smjeni a u ambulantomama na terenu u tri ambulante 2x sedmično i 3x u tri ambulante sedmično u prvoj smjeni po određenom rasporedu.

Organizovan je i rad ambulante intervencije za pružanje usluga previjanja pacijenata, davanje injekcija, infuzija i drugo za sve pacijente porodične medicine, opće medicine, radom od 07,00 – 19,00 sati radnim danima, vikendom i praznicima.

PORODIČNA MEDICINA

Rad službe obiteljske/porodične medicine organizovan je u zgradi Doma zdravlja Sanski Most te u šest terenskih ambulanti.

Porodična medicina još uvijek nije zaživjela u potpunosti na teritoriji naše općine a u planu smo da u što skorije vrijeme transformišemo opštu službu u porodičnu medicinu.

Rad službe porodične medicine u Domu zdravlja Sanski Most obavlja se radnim danima u prvoj smjeni a u terenskim ambulantomama u tri ambulante 2x sedmično i 3x u tri ambulante sedmično.

Imamo sedam timova porodične medicine od kojih tri doktora spec. porodične medicine tri doktora spec. sa edukacijom iz porodične medicine i dva ljekara opće prakse sa edukacijom iz porodične medicine kao i 20 medicinskih sestara educiranih iz porodične medicine.

Korištena je informatička oprema koja je uvezana sa svim timovima porodične medicine u programskoj cjelini, olakšalo je bolji uvid u zdravstveno stanje pacijenata kao i lakšu kontrolu lijekova i propisivanje elektronskog recepta.

Smanjena gužva u ambulantomama porodične medicine i organizovanija posjeta porodičnom ljekaru.

Hronični pacijenti nemaju potrebu odlaziti mjesečno u ambulantu porodične medicine ako nemaju drugih zdravstvenih problema nego podići svoju redovnu terapiju u apotekama.

RAD SLUŽBE ZA ZDRAVSTVENU ZAŠTITU PREDŠKOLSKE , ŠKOLSKE DJECE I OMLADINE

Rad službe je organizovan sa radom dva tima i to dva doktor medicine specijalista pedijatra i obuhvata zdravstvenu zaštitu predškolske i školske djece, vakcinaciju djece i savjetovanište za djecu.

Rad službe organizovan je svakim radnim danom od 07,00 – 15,00 sati.

Po programu imunizacije organizovano se provodi i cjepljenje djece po školama i mjesnim zajednicama i na terenu, te redovnim sistematskim pregledima djece u školama na općini Sanski Most.

Obavljanjem sistematskih i kontrolnih pregleda kod školske djece dobivamo podatke o broju djece sa: gojaznosti, podhranjenosti, anemijom, dijabetesom, malignim oboljenjima, deformitetima stopala, deformitetima kičme, oštećenim sluhom, oštećenim vidom i srčanim manama.

Vakcinacija je preventivna mjera koja se provodi u cilju spečavanja zaraznih bolesti i ona je obavezna.

Na području Općine Sanski Most vakcinacijom su obuhvaćena sva djeca koja podliježu obaveznoj vakcinaciji u 2017.god., i ukupno je aplicirano 1964 doze vakcina od toga 1011 doza su primovakcinacije a 953 doze vakcina je revakcinacija.

RAD SLUŽBE ZA PNEUMOFIZIOLOŠKU ZDRAVSTVENU ZAŠTITU

Rad službe je organizovan sa doktorom medicine pneumofiziologom.

Rad službe na prvom mjestu je pružanje usluga stanovništvu Općine Sanski Most u vođenju unapređenja plana borbe protiv TBC, vođenje brige o poboljšanju kvaliteta zdravstvenih usluga za svakog bolesnika sa respiratornim tegobama u primarnoj zdravstvenoj zaštiti.

Pneumofiziolog i medicinska sestra redovno posjećuju sva predavanja koja su organizovana na kantonu, u Federaciji i Bosni i Hercegovini za jačanje zdravlja i unapređenja plana borbe protiv tuberkuloze.

U 2017.god. registrovano je 4 aktivna pacijenata od tuberkuloze i 1 recidiv iz 2016.god. u našoj ustanovi.

Broj spirometrija u 2017.god. urađenih je 671.

BK direktna mikroskopija 1088

BK kultura urađeno je 51

Ostale laboratorijske pretrage 766

Rendgen snimaka pluća 1251 pregled

Broj pregleda lica u kontaktu je 232 sa 31.12.2017.god. a ostalih pregledanih pacijenata je 717

Broj patronažnih posjeta kod tuberkuloznih pacijenata u 2017.god. je bilo 1008

U 2017.god. u službi pneumofiziologije posjeta pacijenata bilo je 4661 kod ljekara 3410 posjeta a kod ostalih 1251

Od 4 aktivna pacijenata u 2017.god. 2 pacijeta su muškarci a 2 žene.

RAD HIGIJENSKO-EPIDEMIOLOŠKE SLUŽBE

Rad HE- službe bazira se na poslovima epidemiologije i saradnje sa drugim službama u Domu zdravlja Sanski Most, Zavodom za javno zdravstvo USK-a i drugim institucijama u zavisnosti od potrebe i problematike.

HE-služba održava komunikaciju sa Zavodom za javno zdravstvo USK-a i prati smjernice upućene od zavoda.

Sve bolesti koje su bile za epidemiološku obradu u 2017.god. su uzete i obrađene (dezinfekcija stana, epidemiološke ankete itd)

Na samoj općini stalna komunikacija održava se sa gradskim vodovodom kao i svim ispostavama vodovoda u mjesnim zajednicama općine u školama, Centrom za socijalni rad kao i ostalim institucijama gdje je potrebno da u svom domenu rada na vrijeme i efikasno djeluje. Vođene su evidencije oboljelih od akutnih respiratornih infekcija, zoonoza, parazitoza, infekcija kože i dr. posebnim obrascima za evidentiranje.

U 2017.god. proglašenje epidemije nije bilo ni od koje bolesti za razliku od 2016.god. gdje je epidemijaska forma oboljenja bila od Varicellaa.

U sklopu borbe protiv sezonske gripe u našoj ustanovi podjeljeno je 550 doza vakcina na vrijeme i u kratkom periodu za hronične pacijente.

RAD SLUŽBE CENTRA ZA MENTALNO ZDRAVLJE

CMZ organizovan je sa timom, pola radnog vremena doktor medicine specijalista neuropsihijatar a psiholog i 2 medicinske sestre sa punim radnim vremenom.

U 2017.god. Centar za mentalno zdravlje uveo je dosta novog aktivnog rada na prevenciji mentalnog zdravlja kao rehabilitaciji mentalno oboljelih osoba.

Načelnica službe centra za mentalno zdravlje, psiholog i medicinske sestre u toku 2017.god. prisustvovali su provedbama regionalne edukacije iz koordinirane brige u oblasti mentalnog zdravlja, seminarima, jačanje kapaciteta za pružanje psihosocijalne podrške.

Proširen rad okupacione terapije za pacijente i poboljšani uslovi rada sa pacijentima (opremljenost sa novom opremom – uvedena elek. baza podataka pacijenata) povezan rad kompletnog tima centra.

Česta druženja samih korisnika centra povodom praznika sa zaposlenim u centru, izlaganje ručnih radova korisnika centra kao i davanje parjenteralne terapije pacijentima u samom centru.

Saradnja sa entitetskim udruženjem APEL Banja Luka u 2017.godini nastavila se, organizovano je nekoliko posjeta sa korisnicima udruženja APEL i naših korisnika kako u Banja Luci tako i u Sanskom Mostu.

Otvorena vrata korisnicima centra stalnom komunikacijom osoblja.

Krajnji cilj CMZ je unapređenje mentalnog zdravlja sveukupne populacije, kao i sposobnost kreatora politika i odgovornih institucija u postizanju evropskih standarda u zaštiti mentalnog zdravlja u BiH.

U 2017.god. povećan broj kućnih posjeta kompletnog tima CMZ svojim korisnicima.

CMZ saraduje sa lokalnom zajednicom, policijom, Centrom za socijalni rad, Općom bolnicom u Sanskom Mostu- odjelom za liječenje hospitaliziranog pacijenta i sprovođenje i saradnja sa osobljem u smislu i prisilne hospitalizacije pacijenata ako je potrebna.